



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU AUTOHTONE-HRVATSKE STRANKE PRAVA BIH

Broj: 03-07-6-640/17  
Sarajevo, 12.04. 2018. godine

## S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	6

## **MIŠLJENJE REVIZORA**

Služba za reviziju finansiranja političkih stranaka je izvršila pregled godišnjeg finansijskog izvještaja Autohtone Hrvatske stranke prava BiH za 2016. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2016. godinu, utvrđeno je da je Autohtona Hrvatska stranka prava BiH prekršila odredbe člana 5. stav (4), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Autohtone Hrvatske stranke prava BiH za 2016. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Autohtona stranka prava BiH se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	110,00	100,00
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	0,00	0,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>110,00</b>	<b>100,00</b>
<b>II</b>	<b>Ostali prihodi i drugo</b>	<b>0,00</b>	<b>0,00</b>
	<b>Izvori finansiranja (I+II)</b>	<b>110,00</b>	<b>100,00</b>

U godišnjem finansijskom izvještaju stranka je iskazala ukupne rashode u iznosu od 100,00 KM.

## 2. PREDSTAVLJANJE POLITIČKE STRANKE

Naziv političke stranke: Autohtona-Hrvatska stranka prava BiH. Skraćeni naziv stranke: A-HSP BIH.

Politička stranka je registrovana kod Općinskog suda u Širokom Brijegu, rješenjem broj: 064-0-Reg-10-000794 od 06.09.2010. godine.

Sjedište stranke je u Širokom Brijegu, Ulica Đure Baglera 9.

Lice ovlašteno za predstavljanje i zastupanje stranke je Mile Cigić, predsjednik stranke.

Lice ovlašteno za podnošenje finansijskih izvještaja za 2016. godinu je Mirjana Šakota.

U godišnjem finansijskom izvještaju za 2016. godinu, Autohtona-Hrvatska stranka prava BiH navela je da nema niže nivoe organizovanja.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Autohtone-Hrvatske stranke prava BiH za 2016. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka

finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

**Obim pregleda i kontrole** finansijskih izvještaja Autohtone-Hrvatske stranke prava BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Pregled i kontrola finansijskih izvještaja Autohtone-Hrvatske stranke prava BiH se obavlja prvi put.

#### **5. NALAZI I PREPORUKE**

##### **5.1 NALAZI**

##### **a) Autohtona-Hrvatska stranka prava BiH prekršila je odredbe člana 5. stav (4) Zakona o finansiranju političkih stranaka.**

Autohtona-Hrvatska stranka prava BiH nije u poslovnim knjigama evidentirala nenovčane donacije fizičkih lica po osnovu besplatnog korištenja poslovnog prostora, čime je prekršila odredbu člana 5. stav (4) Zakona o finansiranju političkih stranaka<sup>1</sup>.

Uvidom u izjavu fizičkog lica, utvrđeno je da je Autohtona-Hrvatska stranka prava BiH u Širokom Brijegu koristila prostorije u vlasništvu fizičkog lica, bez naknade.

Politička stranka je korištenjem poslovnog prostora u vlasništvu fizičkog lica bez plaćanja zakupnine ostvarila nenovčanu donaciju, koje je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2016. godinu.

##### **b) Autohtona-Hrvatska stranka prava BiH prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.**

Pregledom godišnjeg finansijskog izvještaja i dodatne finansijske dokumentacije, utvrđeno je da Autohtona-Hrvatska stranka prava BiH nije pravilno vodila poslovne knjige i nije podnijela Završni račun za 2016. godinu u skladu sa Zakonom o računovodstvu i reviziji FBiH, čime je prekršila odredbe člana 11. stav (1) i člana 12. stav (1) Zakona o finansiranju političkih stranaka. Autohtona stranka prava BiH je godišnji finansijski izvještaj za 2016. godinu dostavila nakon zakonom propisanog roka i nije obrasce godišnjeg finansijskog izvještaja za 2016. godinu popunila u skladu sa Pravilnikom o godišnjim finansijskim izvještajima političkih stranaka-u daljem tekstu: Pravilnik, čime je prekršila odredbe člana 12. stav (4) Zakona o finansiranju političkih stranaka.

(1) Uvidom u službene evidencije, utvrđeno je da je stranka godišnji finansijski izvještaj za 2016. godinu dostavila dana 23.05.2017. godine, tj. nakon zakonom propisanog roka<sup>2</sup>.

(2) Pregledom godišnjeg finansijskog izvještaja, utvrđeno je da stranka nije u poslovnim knjigama evidentirala i u godišnjem finansijskom izvještaju iskazala nenovčanu donaciju fizičkog lica po osnovu besplatnog korištenja poslovnog prostora u Širokom Brijegu, čime je prekršila odredbe

<sup>1</sup> U skladu sa odredbom iz člana 5. stav (4) Zakona o finansiranju političkih stranaka, političke stranke dužne su voditi evidenciju o prijemu dobrovoljnih priloga.

<sup>2</sup> Do 31.3. naredne godine politička stranka podnosi finansijski izvještaj u formi koju odobri Centralna izborna komisija Bosne i Hercegovine.

člana 13. i člana 18. Pravilnika. Stranka, takođe, nije u obrascima rashoda iskazala troškove zakupa poslovnog prostora, čime je prekršila odredbe člana 20. i člana 21. Pravilnika.

- (3) Stranka nije u obrascu 2 (pregled prometa svih transakcijskih računa) iskazala tačne podatke o početnom stanju, ukupnom prometu izlaza i saldu na dan 31.12.2016. godine, čime je prekršila odredbe člana 11. Pravilnika.

Uvidom u izvode sa transakcijskog računa, utvrđeno je da je početno stanje novca na transakcijskom računu iznosilo 6,74 KM, ukupan promet ulaza 100,00 KM, ukupan promet izlaza 102,11 KM, a stanje na dan 31.12.2016. godine 4,63 KM. Stranka je, međutim, u obrascu 2 iskazala ukupan promet ulaz u iznosu od 100,00 KM i ukupan promet izlaza u iznosu od 100,00 KM, te da po početnom stanju na dan 01.01.2016. godine, odnosno na dan 31.12.2016. godine nije imala novčana sredstva.

- c) **Autohtona-Hrvatska stranka prava BiH prekršila je odredbe člana 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine<sup>3</sup>.**

Uvidom u službene evidencije, utvrđeno je da je Autohtona-Hrvatska stranka prava BiH dostavila postizborni finansijski izvještaj-Lokalni izbori 2016. godine dana 27.01.2017. godine tj. nakon zakonom propisanog roka, čime je prekršila odredbe člana 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

### **Troškovi izborne kampanje**

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM<sup>4</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Autohtona-Hrvatska stranka prava BiH je u svrhu izborne kampanje mogla da potroši sredstva u iznosu od 8.027,10 KM.

Autohtona-Hrvatska stranka prava BiH nije u godišnjem finansijskom izvještaju za 2016. godinu iskazala troškove propagande. Stranka u aktu koji je dostavila Centralnoj izbornoj komisiji BiH navodi da nisu imali troškove kampanje, pa ih zbog toga nisu ni iskazali.

### **5.2 PREPORUKE**

***Preporučuje se Autohtonoj Hrvatskoj stranci prava BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

- ***da vodi poslovne knjige i podnosi finansijske izvještaje na način koji je utvrđen Zakonom o računovodstvu i reviziji FBiH,***

<sup>3</sup> Politička stranka i nezavisni kandidat koji učestvuju na izborima za organe vlasti Bosne i Hercegovine na svim nivoima dužni su, Centralnoj izbornoj komisiji BiH, u roku od trideset dana od dana objavljivanja izbornih rezultata u Službenom glasniku BiH, podnijeti finansijski izvještaj za period od dana podnošenja prijave za izbore do dana ovjere rezultata izbora (postizborni finansijski izvještaj). U skladu sa odredbom člana 15.1 stav (1) Izbornog zakona BiH, krajnji rok za dostavu postizbornog izvještaja za Lokalne izbore 2016. godine bio je 01.12.2016. godine.

<sup>4</sup> Član 15.10 stav (2) Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

- *da finansijske izvještaje koje podnosi Centralnoj izbornoj komisiji Bosne i Hercegovine dostavlja u skladu sa odredbama Zakona o finansiranju političkih stranaka i odredbama člana 15.1 stav (1) Izbornog zakona Bosne i Hercegovine, i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

**KOMENTAR:**

Autohtona-Hrvatska stranka prava BiH je u ostavljenom roku dostavila odgovor na Preliminarni izvještaj o pregledu godišnjeg finansijskog izvještaja za 2016. godinu.

Uz primjedbe stranka nije dostavila dodatne relevantne dokaze, te Služba za reviziju nije korigovala nalaze revizije iz Preliminarnog izvještaja.

Šef Odsjeka za revizijske poslove

Sanja Tošović

Pomoćnik revizora

Anela Burdžović Kapić

Šef Službe za reviziju

Mr.sc Hasida Gušić